

保定府志

第二十七冊 卷六十八 卷六十九
列女二 清苑 滿城
安肅 定興

保定府志卷六十八

列傳二十二

列女四

國朝

清苑縣

前光祿卿張羅彥妻趙氏

列正通志

甲申城陷引縋自縊縋絕傷股

墮二齒匍匐至井躍入逾一晝夜不沈詰旦家人聞井中有聲出之復索門欲自剄家人勸之不得復以首倒擲井中旋浮水上又不死如是者兩晝夜時有安定宇至井亭見之泣下日光祿公闔門俱死宜人縋不能死井不能死此天欲以孤付宜人也儻必死五歲孤焉能存乎宜人乃挽索出井舊僕掖之出城密探秉曜存亡數日尋至同亡入山中賊遁復故居啟諸屍棺

歛悉一身拮据撫秉曜成立卒年六十八

詳見陵墓張羅彥墓誌條

庠生王延袞妻張氏性至孝事舅姑三十餘載無失職舅歿與

姑同寢處十四年比姑歿以哀毀成疾卒

舊志

郭棻孝婦張氏傳略孝婦張氏者明祭酒孫從度甥女也
 父母早歿孫撫之若己女及笄適諸生王延袞王為邑望
 族甲申後產中落孝婦節儉自持而甘旨必備事舅姑惟
 謹一鬻一蔬非躬自烹飪不敢進如是者三十年延袞遠
 出姑感時疫病幾殆侍者畏傳染皆託故避去或諷之孝
 婦曰他人可避也我即染疫亦分所應親奉湯藥者七十
 日中裙廁踰無不躬自澣滌姑得愈孝婦亦無恙後翁病
 篤孝婦侍養一如侍其姑當彌留時顧而喃喃曰天下第
 一孝婦也時延袞尚未歸殯殮之具不以累昆弟拮据之
 苦至於篋無寸絲鄉黨稱焉厥後家益落孝婦與姑同寢
 處者十四年姑病忌生冷孝婦手製土鑪三大小蒸煮之
 具悉備但索湯粥應聲而進扶掖抑搔視於無形聽於無
 聲姑疾革忽聲稱曰足矣足矣孝婦請故姑曰吾年八十
 有七賴爾孝養者幾五十年豈不足乎孝婦視姑疾四閱
 寒暑積勞成疾隱不自言比姑歿與延袞拮据營殯殮以
 是成痿痺輒轉牀褥者又四年乃卒論曰世之稱孝婦者
 罕矣有之非割股即蒙難莫以勸也若張氏者窮困坎坷
 卒無怠志數十年如一日難乎否乎或曰孝婦于歸時孫

予奩資二百金不自私奉翁為置別業兩女皆字貧士甥
館歲有需亦稱貸以給仰事俯畜皆人所難然特其孝之
緒餘耳故傳
中不之載

李世珍妻張氏年十九歲夫亡孝事孀姑撫二子長時可邑庠

生次行可登賢書守節五十餘年順治時旌康熙通志

劉登舉妻段氏年二十六歲夫亡事姑孝治家勤撫子思輯成

進士孫亦成立苦節五十二年順治十六年旌舊志參縣志

廩生王承芳妻張氏承芳赴試卒於客邸氏年二十九痛夫賈

志未遂矢志撫五子教迪有法俱以文顯苦節至六十五歲卒

舊志

賈爾霖嘗釀金急魏左之難夏峯集乙丙紀事妻孫氏徵君奇逢女早

寡守節以孝著訓子焯然有文名魏裔介兼濟堂集

按徵君年譜氏以萬曆四十五年生守節至八十餘歲于
歸時徵君製布衣一襲囑之曰汝家漸貴盛當服此勿忘

寒素氏服至臨終猶以殮云

王熊印妻鹿氏定興善繼女年十八歲夫亡撫女守節二十餘

年卒康熙通志

郭棻母張氏性至孝繼姑病痢三閱月侍藥餌無倦甲申郡城

戒嚴偕子女匿地窖均免於難苦節三十餘年里人爲請旌氏

力卻之曰守節分內事也子未官且無庸矧已得官乎學源堂文集

棻由翰林官禮部侍郎縣志

戴國妻王氏有旂民曹文志欲強污之不從被殺雍正二年旌

大清一統志

馮淑繼妻劉氏淑卒年二十四撫前室女如己出課子遐昌維

嚴戚族稱賢雍正三年旌雍正通志

史克剛妻李氏年二十一歲夫故事舅姑課幼子撫夫弱弟皆

循禮節閩里欽之雍正六年旌

史紹光妻張氏年十八守節撫子毓斌既入泮而歿復撫孤孫亦入泮卒年二十七歲雍正六年旌

楊維城妻孫氏年二十四歲夫亡氏養親盡孝撫子及孫皆成立夫叔母史氏亦早寡氏撫其三女以一孫為之後雍正十年

旌俱同上

石鵬妻劉氏年十七歲夫亡無子事舅姑以賢淑稱歷節終身

舊志

顏元記劉節婦事略石鵬妻劉氏邑庠生源洙女也貞節賢孝出於性成自八九歲時未嘗偶立門外姻親無見之者其來嬪石門也孝謹端凝族中女咸為其姑賀未幾鵬卒氏矢共姜之節其翁姑皆弗忍擬命服闋別適及三載終不可奪因囑其父諭意其父曰吾子自孩穉知義理吾信之久矣自此具真心吾當成之何勸焉氏伯翁大感傷曰異哉此子年方十七且無子息為人所不能為守人所不肯守如若人者可令無後乎即以己孫為之子氏撫歲

餘兒事翁姑賢淑勤
慎終身如一日云

柴氏女幼許字胡喬年未婚而喬年卒女聞訃奔喪矢志守節

撫姪映元為嗣映元以諸生貢成均孫承祖光祖均登賢書紹

祖成進士乾隆二十四年旌

縣志

裴晉妻劉氏早寡守節四十餘年子准以卓行著孫顯祖成進

士官淮南知府乾隆五十七年旌

縣志

吳姓女住府城竈君廟街嘉慶初年有博野無賴子冒武生誑

之成婚女知誤適匪人即投井死里人憫其志名其井曰烈女

井

博野縣
採訪冊

縣丞周必榮繼妻傅氏二十七歲夫亡守節事親以孝教子有

方閭里咸稱其德年八十七無疾而終嘉慶二十年旌

縣志

監生許鳳儀妻金氏年十八于歸甫三載而寡事舅姑撫孤子

均盡職守節五十二年道光十二年旌

張郡城妻王氏年二十七守節撫孤長維翰貢生次維憲武庠
生道光二十一年旌

陳芸妻程氏年二十三歲夫亡撫孤守節以終道光二十四年
旌

苑倉泰妻張氏年十九于歸時泰已病未月而卒氏矢志靡
他奉舅姑撫嗣子以孝慈著卒年七十八歲道光二十四年旌
職員金昌泰妻潘氏夫故氏年二十八撫孤守節歷三十三年
劉蘭妻唐氏守節五十餘年訓子中和入邑庠咸豐元年并旌
王宗恆妻劉氏年百二歲苦節七十餘年子孫林立咸豐二年
恩賜緞匹銀兩旌表建坊額曰貞壽之門

何景堂妻樊氏年二十五而寡事姑撫幼苦節四十年娣梁氏

立堂妻年十九守節咸豐二年并旌

李有容妻宋氏年二十四守節孝養舅姑撫孤成立咸豐九年旌

庠生劉芝馨妻李氏年二十三歲夫故守節四十一年訓子敏之入邑庠咸豐十年旌

崔堆妻李氏年十七于歸二載而寡誓絕食以殉親屬以大義責之乃矢志事姑撫夫姪增源爲嗣增源官稷山知縣同治三年旌

劉太文妻王氏性至孝姑病篤氏割臂肉和藥進姑服之少痊次日又割以進姑病大愈閭里稱頌之同治八年旌

董燮妻吳氏年二十六歲夫亡孝養舅姑以節終同治九年旌
郭紹漢妻張氏年二十三歲夫故撫孤守節三十六年同治十

一年旌

胡世琛妻王氏年二十八守節撫孤子遠官湖南甫一載氏以宦遊涉險促令致仕歸時人皆以爲賢同治十一年旌

職員宋繼宗母劉氏年二十守節割股事姑以孝稱七十一歲卒同治十二年旌

外委金壽齡妻甘氏年二十于歸甫三月而寡守節五十年同治十三年旌

馬良臣妻劉氏年二十五歲夫故守節孫魁歲貢生曾孫人龍登賢書七十二歲無疾卒邑令李旌之

張篤會妻賈氏性貞淑篤會卒氏年二十有七孝事舅姑撫孤成立孫化行入邑庠曾孫鵬登賢書八十六歲卒學政龐旌之

俱同上

張仲妻賈氏年二十八歲夫亡誓絕食以殉戚屬以姑老子幼勸之乃進食勤女紅以養姑撫子成立壽逾八十卒光緒三年

旌

縣志參採訪冊

吳氏女許字閻清真爲室清真十三歲殤女年甫十五聞訃奔喪誓不改適孝養舅姑始終盡禮光緒二年女五十八歲卒邑

人爲之請旌

縣志參採訪冊

韓曾妻劉氏二十三歲夫亡張喜敏妻李氏鄔應興妻邢氏俱二十五歲夫亡欒克仁妻王氏二十四歲夫亡常建城妻胡氏十九歲夫亡謝鳳誥妻王氏二十二歲夫亡張其翼妻孫氏年二十九歲夫亡俱撫孤守節以壽終

李恕妻王氏二十一歲夫亡呂國敬妻王氏二十六歲夫亡張楸妻房氏二十八歲夫亡王德妻汪氏二十七歲夫亡俱守節

終身

宋祥妻孫氏年十八歲夫故守節七十二年

王廷杖妻崔氏年二十歲夫故守節六十五年

臧兆棠妻劉氏年二十五歲夫故守節三十年

蘭山知縣姚景崇側室任氏景崇亡氏年二十四絕食九日卒
時值盛暑而屍如生

李祥雲妻史氏年二十四歲夫亡乘閒自縊死

王忻妻汪氏年二十一守節孝養舅姑撫孤成立終身不歸母
家七十歲卒

蘇德粹妻商氏年二十九歲夫故守節四十年

段世楷妻賈氏年二十五歲夫故守節四十餘年

趙國樑妻陳氏年二十三而寡卒年五十有八

師震亨妻伊氏年二十歲夫亡無子撫夫姪爲嗣守節四十五年

任閔妻李氏年十九于歸甫月餘而夫亡守節三十年

許繼曾妻吳氏年二十一歲夫故守節三十三年

李緒妻徐氏年二十于歸緒病已篤不半載而夫亡家貧甚親族欲奪其志氏以死自誓勤女紅奉病姑以孝稱卒年四十二歲

金烜毓峒裔孫妻段氏早寡撫孤守節四十年六十餘歲卒子立功亦早卒媳湯氏年二十有七撫彌月子子鑑成立嘗訓之曰吾家以忠孝稱爾其無負先志時稱爲賢母云

梁寬妻田氏年二十二歲夫亡撫遺腹子尋殤守節三十餘年張其翼妻孫氏年二十九守節教二子皆成立

苑清安妻解氏年二十五守節奉祖姑及舅姑始終盡孝矢志

終身

以上俱縣志

張焯妻宋氏二十七歲守節撫孤子應彪訓之登武科光緒二

年旌

採訪冊

史雲峯妻馬氏年二十四守節撫遺孤步瀛入邑庠光緒二年

旌

同上

監生伊謹妻張氏年二十三歲守節撫遺孤翰章煥章均食餼

光緒二年旌

同上

王清元妻張氏二十三歲夫亡舅姑相繼歿遺夫弟清傑尙幼

氏延師課之尋登武科守節五十餘年

同上

監生劉瑞妻金氏年二十七守節撫子及孫皆成立卒年七十

五歲

同上

安平教諭朱廷標妻諸氏年二十九歲夫故撫孤守節四十年

其兄欲為請旌氏曰命婦守節分內事也奚旌為時論嘉之上同

州同湯秉中妻張氏松番廳同知張中寅之姊也咸豐十一年

逆番攻陷松番氏隨弟任署投池死同治八年旌順天忠義局第三十七次

請卹册

張光弼妻欒氏同治六年梟匪滋擾氏懼辱自盡已旌縣志

霍清峯妻劉氏遇捻匪罵賊被殺霍玉錫妻段氏投井死同治

七年十月并旌順天忠義局第三十五次請卹册

陳其漣妻李氏同治七年正月捻逆入直漣以禦戰死氏年二

十一歲絕食以殉已旌縣志

陳禮妻周氏諸生趙錦標妻朱氏寨破恐被辱皆攜子女投井

死是年十二月旌縣志

馬保妻周氏同治七年賊至懼被辱同二妹自焚死盧懌女楊

才妻均以罵賊被縛投火中焚死同治十三年彙旌縣志參採訪冊

王國華妻王氏捻逆之變罵賊被殺王敬範祖母劉氏叔母朱

氏俱投井死縣志

王連仲母王氏與子拒賊同遇害已旌同上

史德懋母孫氏李朱氏節婦曲陽氏李范氏均以罵賊死同治

十二年彙旌同上

王香妻王氏年二十歲遇賊被擄氏義不受辱大罵之以頭觸

壁面目皆損賊怒投火中焚死

武生苑國俊妻耿氏遇賊偕三女投井死又呂振子婦被虜不

辱投之井死縣志

武生劉玉成妻杜氏同治七年賊至其家玉成突擊斃之賊眾

怒焚其室夫婦同被難

張瑞女年十七歲賊至欲投井賊阻之女取甌擊之賊怒鞭之死同治八年邑令何爲之請旌

楊洛懷女楊鳳鳴女俱被擄罵賊不屈挖胷而死

陳浩繼妻康氏年二十九歲夫故守節撫前室子女如己出捻逆之變懼辱投井死時年五十一歲通政使劉爲請旌

胡振女賊至被擄馱之馬上女大罵反身而墮者四賊怒鞭之苦女曰我父在某井中救父上引一見卽相從賊信之甫至井急投入賊以汲水器砸之死

李某妻陳氏有鄰家婦女藏其室賊至氏拒門抗之被害賊不復入鄰婦等皆免於難

俱同上

史華妻呂氏莘故氏痛不欲生旣以孀姑煢子勤女紅供菽水